

## CAPUT LXVII.

## EQUITES HAIDEN DE DORFF.

IN Austria duæ olim & armis & genere distinctæ floruerunt Haidiorum Familiaæ. Una Haidii de Gunderstorff & Achau (Haiden von Gunderstorff) vocati sunt, & Officium Sub-Pincernæ (Unter-Schencfen-Ümbt) in Austria hæreditario Jure possederunt. Clara Haidin hujus egregiæ Stirpis proles ex Gynecæo Beatricis Hungariæ Reginæ sub umbilicum seculi decimi quinti Andreæ Kornfail de Weinfelden (cujus Parens Udalricus Kornfail antiquam familiam suam ex Helvetia in Austriam circa Annum 1400. transtulit, ubi adhuc conspicua est,) in manum venit. Ei Regina Hera sua in summae benevolentiae tesseram Scyphum argenteum deauratum ex more illius seculi nuptiale donum obtulit, utque gratiæ Regiæ memoria perpetuo existaret, hos rythmos Poculo incidi curavit:

Als Kornfail die Clara Haydin nahm/  
Auf dem Frauen-Zimmer lobesam/  
Die Königin Beatrix gut/  
Zu Hungarn und Böhmen wohlgemuth/  
Schenkt ihr ditz Gschirr auff die Hochzeit/  
Voller Ducaten mit grosser Freud. (a)

Sed hæc Haidiorum de Gunderstorff prosapia seculo decimo sexto ad finem vergente ad plures abiit. Altera Haidiorum Stirps, quæ jam recensenda est, hodienum floret, & à prædio gentilitio Dorff nominatur, Haiden von Dorff. In Archivo Statuum Austriae Wolfgangi Haiden de Dorff memoria occurrit, qui Anno 1417. Alberto Archi-Duci à Cubiculis (Cammerer) fuit, (b) & ab eodem Principe consensum alienandi prædium Lestorff/ quod Liberis N. Trachters fuerat, Anno 1421. accepit. (c) Henricus Haiden ad Annum 1437. memoratur. (d) Erhardus Haiden de Dorff, Hartmanno à Röttenberg bona nonnulla Anno 1441. resignavit. (e) Idem Erhardus An: 1444. homini suo villam in Sinzenberg propriam tradidit. (f) Hieronymus Haiden circa An: 1500. clarus, vir multæ authoritatis & magnarum opum in Austria superiore fuit; de quo Valentinus Prevenhueber in Chronico Civitatis Steyer vernacula lingua hæc memoriam prodidit: Hieronymus Haiden / zum Dorff der Stadt Steyer guter Nachbar / erbott sich durch Schreiben / derselben / als Anno 1529. Wienn von den Fürsten